



Publicaziuns officialas dils 27-08-2021

Damondas da baghegiar

Nr. 123/2021

Datum da publicaziun: 27-08-2021

Patrun: Deplazes Diego, 7172 Rabius

Liug e parcelas: Rabius-Via Surrein; 237

Object: niev gagliner

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 27-08-2021

Cumissiun da baghegiar

Via Runcahez – Runé - Tuma

Ils 30 d'uost 2021 entscheiva l'Axpo Hydro Surselva SA cun la sanaziun dalla lingia Nadels – Runcahez. En ina secund'etappa vegn la lingia sin il tschancun Runé -Tuma sanada. Ord quei motiv resta la via serrada per tut il traffic naven dils **30 d'uost 2021 entochen la fin da november**. In passadi per pedunz ei duront las lavurs da sanaziun avon maun. Nus supplichein per e enonuschientscha e capientscha.

Sumvitg, 27-08-2021

Departament forestal

Societad da tir Vial Sumvitg

Tir obligatori 2021

La Societad da tir Vial Sumvitg envida al tir obligatori ils suandonts termins:

Anzeinza, ils 13 da matg 2021, allas 16.00–20.00

Dumengia, ils 29 d'uost 2021, allas 17.30–20.00

Adatg! Tiradurs obligai ston presentar il camond da tir sco era il cudisch da sittar resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

Giubileum 20 onns sunatibas Postabiala Sumvitg

Sonda, ils 4 da settember, naven dallas 16.00, scola da Surrein. L'Uniun sunatibas Postabiala Sumvitg selegra da beneventar tut tgi che vul a nies giubileum da 20 onns ella casa da scola Surrein naven dallas 16.00. Producziuns da sunatibas da nos amitgs da Sedrun, Glion, Flem, Val S. PiedereSumvitg. Ustria cun grillada, la sera musica e divertiment en casa da scola. Cordialmein envida *Uniun da sunatibas Postabiala Sumvitg*

Pleiv Sumvitg

«**Generaziuns s'entaupan**» ei il motto che nus dil cussegl pastoral havein elegiu per ina sentupada da pleiv. Bugen envidein nus Vus, caras vischinas e preziai vischins da far cuminonza cun nus **dumengia, ils 29 d'uost 2021, a Plaun Petschen**. Allas **10.30** festivein nus il survetsch divin cun il medem fil tgietschen. Ils sunatibas sunan duront il survetsch divin. Pils affons pigns tochen la tiarza classa havein nus organisau in pign program separau duront messa. Silsunter dat ei menaschi d'ustria cun gril per tuts. La ligiongia ed in pign dessert offerescha la pleiv. Per las bubrondas incassein nus prezis mudests. Nus sperein da saver far gust a biaras e biars da puspei seveser inaga e da saver star da cumpignia. Perquei schein nus gia uss cordial beinvegni a giuven e vegl. *Sur Saji, il cussegl pastoral e la suprastonza dalla pleiv*

Nus organisein bugen il transport cun autos, sch'ei fa basegns. Fagei aschi bien e s'annunziei tier Gabriela Lutz (081 943 10 26 ni 078 640 91 12). En cass da schliat'aura contactei la pagina d'internet dalla pleiv www.pleivsumvitg.ch. Lu han il survetsch divin e la grillada liug en halla e sin plaz scola a Rabius cun risguardar las prescripziuns da Corona.